

A Xunta de Galicia acometerá en este ano 2008 o saneamento e abastecemento das rúas Lameira, Amieiros, Carballas e Palanca en Vilariño-San Pedro da Ramallosa por un valor de 198.490,55 € no Concello de Nigrán.

A Consellería de Medio Ambiente e Desenvolvemento Sostible a través de Augas de Galicia ven de confirmar a realización de obras de novas obras de saneamento e abastecemento no Concello de Nigrán por importe de 198.490,55 € dentro da colaboración técnica e financeira da Administración Hidráulica de Galicia coas entidades locais en materia de abastecemento e saneamento de augas segundo un proxecto presentado ante dita administración polo goberno de Nigrán. As obras son financiadas ao 100 % pola Xunta de Galicia e rematarán este ano 2008. A finalidade de estas obras que afectarán ás rúas Lameira, Amieiros, Carballas e Palanca é dotalas do servizo de saneamento, totalmente inexistente na actualidade, o que está a producir diversos problemas de tipo medioambiental e ata sanitario, debido a que o único xeito de saneamento son as foxas sépticas particulares cos inconvenientes que elo conleva e incluso a vertidos incontrolados e directos. Así mesmo as obras inclúen a dotación do suministro e abastecemento de auga potable.

O concellal de urbanismo Juan González, ve clara a incidencia positiva dende o punto de vista sanitario e ambiental, que producirá a instalación de colectores de saneamento e abastecemento nos habitantes de Vilariño en San Pedro da Ramallosa, que poderán conectar directamente as augas fecais nos mesmos, para a súa posterior depuración a través dos colectores xerais municipais para o seu tratamento na estación depuradora.

O goberno de Nigrán manifesta a súa intención de continuar de este xeito a súa labor de colaboración con outras administracións para realizar inversións neste concello. Estas obras de saneamento e abastecemento por valor de 198.490 €, unido aos 660.808 € que se levarán a cabo por Augas de Galicia para obras de saneamento e abastecemento en Chandebrito, Camos e San Pedro, pretenden demostrar en palabras de Juan González *“a nosa capacidade de xestión por parte do goberno que priorizará en estos vindeiros anos o abastecemento e saneamento como eixos para conseguir un Nigrán Medioambientalmente máis sostible e para acadar un crecemento urbanisticamente ordeado.*”